

DOCUMENTO DE FORMALIZACIÓN DUN CONVENIO ENTRE A XUNTA DE GALICIA, A TRAVÉS DA CONSELLERÍA DO MAR, E A FEDERACIÓN GALEGA POLA CULTURA MARÍTIMA E FLUVIAL, MEDIANTE O QUE SE CANALIZA UNHA SUBVENCIÓN DE CONCESIÓN DIRECTA PARA A REALIZACIÓN DE ACTIVIDADES DE DINAMIZACIÓN DAS EMBARCACIÓNS TRADICIONAIS, DURANTE O ANO 2022

En Santiago de Compostela, 22 de agosto de 2022

REUNIDOS

DUNHA PARTE: D^a. Susana Rodríguez Carballo (DNI 34957310R), en calidade de Directora Xeral de Desenvolvemento Pesqueiro (NIF S1511001H), nomeada por Decreto 242/2009, do 23 de abril (DOG núm. 79 do 24.04.2009), en virtude das facultades conferidas polo artigo 8 da Orde do 21 de febreiro de 2022 sobre delegación de competencias en diversos órganos da dirección da Consellería do Mar e na Presidencia da entidade pública empresarial Portos de Galicia.

DOUTRA PARTE: D. José Luis Sacau Fontenla (DNI 36071659T), en representación da Federación Galega pola Cultura Marítima e Fluvial (NIF G36231561) (en diante, FGCMF), en virtude do disposto no artigo 18 dos estatutos inscritos no Rexistro Central de Asociacións da Xunta de Galicia co número 2007/000185-2 (SC), e do acordo adoptado pola Asemblea Xeral Extraordinaria na súa sesión do 27 de xuño de 2020.

Ambas partes, respectivamente, recoñécense capacidade e competencia para formalizar o presente convenio, séndolle de aplicación a Lei 9/2007, do 13 de xuño, de subvencións de Galicia (en diante, LSG), o Regulamento da Lei 9/2007, do 13 de xuño, de subvencións de Galicia, aprobado por Decreto 11/2009, do 8 de xaneiro (en diante, RSG), e demais normas que se detallan no clausurado do mesmo.

ANTECEDENTES ADMINISTRATIVOS

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesenvolvemento@xunta.gal

PRIMEIRO.- Na Lei 17/2021, do 27 de decembro, de orzamentos xerais da Comunidade Autónoma de Galicia para o ano 2022, figura unha subvención de concesión directa a favor da FGCMF, por un importe de 8.500,00 euros na partida orzamentaria 15.03.722A.481.6 e por un importe de 20.000,00 euros na partida 15.03.722A.781.6 (proxecto 2015 00595), existindo crédito axeitado e suficiente para atender as obrigas que derivan da subvención.

SEGUNDO.- A Consellería do Mar, ao abeiro do disposto no artigo 37.2 do RSG, acordou o inicio da tramitación deste convenio con data do 14 de xullo de 2022.

TERCEIRO.- A Consellería do Mar, con data 28 de xullo 2022, aprobou a autorización do gasto a favor da FGCMF, por importe de 8.500,00 euros na partida orzamentaria 15.03.722A.481.6 (proxecto 2015 00595) e por un importe de 20.000,00 euros na partida 15.03.722A.781.6 (proxecto 2015 00595).

CLÁUSULAS

PRIMEIRA.- OBXECTO E ACTUACIÓNS

O obxecto do presente convenio é canalizar a subvención prevista nominativamente na Lei 17/2021, do 27 de decembro, de orzamentos xerais da Comunidade Autónoma de Galicia para o ano 2022, a favor da FGCMF, co fin de financiar as actuacións previstas ata o 30 de novembro de 2022, consistentes na dinamización das embarcacións tradicionais.

A FGCMG vén desenvolvendo actividades de promoción e difusión do patrimonio marítimo e fluvial de Galicia, con especial énfase nas embarcacións tradicionais, que teñen como obxectivo a preservación da cultura e do patrimonio dos mares e dos ríos de Galicia, das súas costas e ribeiras, e o fomento do uso social e a dinamización dese patrimonio.

As actuacións correspondentes ao ano 2022, son as seguintes:

- Xuntanzas e regatas de embarcacións tradicionais en Galicia.
- Promoción do Encontro Embarcacións Tradicionais de Galicia.
- Promoción peninsular da cultura e patrimonio marítimo-fluvial de Galicia no 2022.
- Culturmar membro da European Maritime Heritage.
- Publicacións, revista *Nova Ardentía*, publicación infantil sobre a temática do Encontro de Embarcacións Tradicionais de Galicia, revisión e reedición do libro de Staffan Mörling "*As embarcacións tradicionais de Galicia*", edición e

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal

impresión dunha colección fotográfica baixo a temática do patrimonio e das embarcacións tradicionais.

- Produción ou adquisición de material audiovisual, didáctico, fotográfico ou similar.
- Xornadas de cultura mariñeira.
- Participación na feira de industrias culturais "CULTURGAR".
- Páxina web de Culturmar e colectivos asociados.
- Cursos e talleres.
- Creación e apertura dunha Biblioteca Mariñeira Públicas.
- Outras accións e investimentos.

SEGUNDA.- OBRIGAS E COMPROMISOS ECONÓMICOS

A Consellería do Mar subvencionará as obrigas que se deriven das actuacións do presente convenio ata un importe máximo de 28.500,00 euros, con cargo ao exercicio orzamentario de 2022, segundo o seguinte detalle:

Gastos de funcionamento:

- 8.500,00 euros da partida orzamentaria 15.03.722A.481.6. (proxecto 2015 00595).

Gastos de promoción e difusión do patrimonio marítimo e fluvial de Galicia:

- 20.000,00 euros da partida 15.03.722A.781.6 (proxecto 2015 00595).

A FGCMF asume as obrigas recollidas para os beneficiarios das subvencións no artigo 11 da LSG, así como as seguintes:

- Dedicar integramente o importe da subvención á realización das actividades sinaladas na cláusula primeira.
- Realizar o seguimento das accións anteriormente descritas.
- Pór en coñecemento da consellería calquera incidencia que afecte á realización ou desenvolvemento posterior das actuacións efectuadas, proporcionando toda canta información lle sexa requirida.
- Dar cumprimento ao disposto no artigo 27 da LSG, relativo á subcontratación das actividades subvencionadas polos beneficiarios. A estes efectos, non se establece un límite para subcontratar.
- Dar cumprimento ao disposto no artigo 29.3 da LSG, relativo á solicitude de tres ofertas, como mínimo, con carácter previo á contratación de compromisos con provedores, salvo que non exista no mercado suficiente número de entidades que as realicen, presten ou subministren.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal

- Prestar colaboración e facilitar toda a información que lle sexa requirida, no exercicio das súas funcións de fiscalización e control do destino das subvencións, pola Intervención Xeral da Comunidade Autónoma, polo Tribunal de Contas e polo Consello de Contas.
- Manifestar expresamente o consentimento a que os datos que obran en poder das administracións públicas, sexan consultados directamente pola administración, de conformidade co disposto no parágrafo 2 do artigo 28 da Lei 39/2015, do 1 de outubro, do Procedemento Administrativo Común das Administracións Públicas, e no artigo 10.2 do RSG.
- Subministrar toda a información necesaria á Administración en virtude das obrigas previstas para as persoas xurídicas beneficiarias de subvencións, conforme co disposto na Lei 1/2016, do 18 de xaneiro, de transparencia e bo goberno, e na Lei 19/2013, do 9 de decembro, de transparencia, acceso á información pública e bo goberno.

TERCEIRA.- RÉXIME DE COMPATIBILIDADE

Será compatible a percepción doutras subvencións, axudas, ingresos ou recursos para a mesma finalidade que a do presente convenio, procedentes de calquera administración ou entes públicos ou privados, estatais, da Unión Europea ou de organismos internacionais.

O importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custe das actividades subvencionadas.

CUARTA.- GASTOS SUBVENCIONABLES

Consideraranse gastos subvencionables aqueles que de xeito indubidable respondan á natureza da actividade subvencionada, e fosen realizados e pagados entre o 1 de xaneiro e o 30 de novembro de 2022.

Os tributos consideraranse gasto subvencionable cando a FGCMF os abone efectivamente. En ningún caso, se consideraran gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

Os custes indirectos formarán parte da xustificacións da subvención, se se imputan polo FGCMF ás actividades subvencionadas, na medida en que tales custes correspondan ao período en que se realiza a actividade.

Os gastos subvencionables respectarán as regras contidas no artigo 29 da LSG.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal

QUINTA.- PRAZOS E FORMA DE XUSTIFICACIÓN DA SUBVENCIÓN E APLICACIÓN DOS FONDOS

O prazo límite para a xustificación dos gastos subvencionables será o 10 de decembro de 2022.

A xustificación do cumprimento das condicións impostas e da consecución dos obxectivos previstos, documentarase mediante a forma de conta xustificativa do gasto realizado, conforme co disposto no artigo 48 do RSG.

SEXTA.- PRAZOS E MODOS DE PAGO DA SUBVENCIÓN

O pago da subvención realizarase previa xustificación polo beneficiario, da realización da actividade para a cal se concedeu, e pola contía da subvención efectivamente xustificada.

O órgano concedente realizará as comprobacións pertinentes e incluírá no expediente un certificado acreditativo da verificación realizada.

Establécese a posibilidade de realizar pagos a conta. Ditos pagos a conta poderán supor a realización de pagos fraccionados que responderán ao ritmo de execución das accións subvencionadas, abonándose por contía equivalente á xustificación presentada, coas limitacións previstas no artigo 62 do RSG, e de conformidade co disposto nos artigos 65.4 f) e 67 do RSG.

Non poderá realizarse o pago da subvención en tanto o beneficiario non se atope ao corrente no cumprimento das súas obrigas tributarias e fronte á Seguridade Social e non teña pendente de pago ningunha outra débeda coa Administración pública da Comunidade Autónoma ou sexa debedor por resolución de procedencia de reintegro.

SÉTIMA.- REINTEGRO, INCUMPRIMENTO DAS OBRIGAS E COMPROMISOS

Nos supostos previstos nos artigos 32 e 33 da LSG, procederá o reintegro das cantidades percibidas e a esixencia do interese de demora correspondente dende o momento do pago da subvención ata a data en que se acorde a procedencia do reintegro.

O procedemento de reintegro será o previsto no Capítulo II do Título II da LSG.

O incumprimento das obrigas e compromisos asumidos polo beneficiario, que sexan constitutivos de infraccións e sancións administrativas en materia de subvencións, tramitaranse conforme co disposto no Título IV da LSG.

[DIRECCIÓN XERAL DE DESENVOLVEMENTO PESQUEIRO](#)

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal

Por outra banda, o incumprimento da obriga de subministrar información á Administración, dará lugar á aplicación do disposto no Título III da Lei 1/2016, do 18 de xaneiro, de transparencia e bo goberno.

OITAVA.- RÉXIME XURÍDICO APLICABLE

O presente convenio estará suxeito á LSG e ao RSG, e aos preceptos básicos contidos na Lei 38/2003, do 17 de novembro, Xeral de Subvencións, e no Regulamento da Lei 38/2003, do 17 de novembro, Xeral de Subvencións, aprobado por Real Decreto 887/2006, do 21 de xullo.

En relación coas obrigas de publicidade e transparencia, resultaranlle aplicables a Lei 1/2016, do 18 de xaneiro, de transparencia e bo goberno, e a Lei 19/2013, do 9 de decembro, de transparencia, acceso á información pública e bo goberno.

Subsidiariamente aplicaranse as restantes normas de dereito administrativo e, no seu defecto, as normas de dereito privado.

NOVENA.- PUBLICIDADE DA SUBVENCIÓN CONCEDIDA

O beneficiario deberá dar a axeitada publicidade do carácter público da financiación de programas, actividades, inversións ou actuacións de calquera tipo que sexan obxecto da subvención.

A publicidade consistirá na inclusión da imaxe institucional da Xunta de Galicia, regulada no Decreto 409/2009, do 5 de novembro, polo que se aproba o uso dos elementos básicos da identidade corporativa da Xunta de Galicia, así como lendas relativas á financiación pública en carteis, placas conmemorativas, materiais impresos, medios electrónicos ou audiovisuais, ou ben en mencións realizadas en medios de comunicación.

DÉCIMA.- MECANISMOS DE SEGUIMENTO, VIXILANCIA E CONTROL

O seguimento, vixilancia e control do establecido no presente convenio realizarase por unha comisión de seguimento formada por:

- A Directora Xeral de Desenvolvemento Pesqueiro ou persoa en quen delegue, que será a Presidenta.
- O Xefe de Servizo de Desenvolvemento Pesqueiro, que será o Secretario.
- O Presidente da FGCMF ou persoa en que delegue.
- O/A Secretario/a da FGCMF.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal

Esta comisión será competente para resolver as controversias que se poidan expoñer respecto da interpretación e cumprimento do convenio.

UNDÉCIMA.- PRAZO DE VIXENCIA, PRÓRROGA E MODIFICACIÓNS

O presente convenio estará vixente dende o día seguinte o da súa sinatura e ata o 30 de novembro de 2022.

Non se prevé a posibilidade de prórroga ou modificación do convenio.

A conselleira	A Federación Galega pola Cultura
P.D. Orde do 21.02.2022 (DOG núm. 41 do	Marítima e Fluvial
01.03.2022), modificada pola Orde do	D. José Luis Sacau Fontenla
15.03.2022 (DOG núm. 57 do 23.03.2022)	
A directora xeral de Desenvolvemento	
Pesqueiro	
Susana Rodríguez Carballo	

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal